

The Makuilongdi Express

Liangmai Daily Newspaper

“Mazibo niu ngamne”



Haibo hiu zengtung 22th-28, 2023 ga luan 3rd ASHA Bamduan Trophy Football Knockout, Sonram Youth Club niu organized thiubo mathenga Liangmai Brothers' Team di joura kadenjiu bam mide.

Tamei Badminton Club nai 44 Assam Riffle Tamei aruang lujiu n-danai Mini Stadiuim ga social work kamkhai mide. Zengtung 18th Karehiu nai Major Raju K Singh tu farewell thiubo thiujui tournament conduct thiu sune.



Zengtung 16 Karehiu 2023 Kajannai Chiang PO Tamei ,Tml. Dist. Manipur Vol.II. Issue 2 page 1

Nangniu damkhaibo zat hina sinu wangjiu nakhuga makhum kiune, khatdi paliu niu naken ditu thuo sune. Tathoilui 86:9.

Chief Minister niu luan 6th bo Women's International Polo Tournament inuagrates thiukhai mide.



TME, Tamei: Kareh. 25: Luan 6th bo gu thiujui Women's International Polo Tounament hai n-danai Manipur Chief Minister N Biren Singh niu Mapal Kangjeibung, Imphal ga lepad khai mide. Haibo tournament hai Manipur Tourism niu All Manipur Polo Association (AMPA) tu alam lujiu organized thiubo we chiuju dinne. Haibo tournament ga teams mangiu, sisera, South Africa, Luxembourg, India (IPA), India (Manipur-A) khatdi India (Manipur-B) chiuju haibo teams dungniu mathen kiu sune. Takum machang tadkiu bambo haibo mathen hai takum nia covid-19 jengniu soukhai lujiu thaikum su sulan bowe chiuju dinne. Haibo mathen hai Manipur gasu subo mathen khatle sironna makjiu tuhoi Manipur ga chakon Pony tu hamakra nai Polo mathen hai hami makra chiuju promote thiujui kambam bowe chiuju dinne.

Sikhaibo

The Makuilongdi Express hai nidkak ga paluan sum thiujui padne, Machanai, Kajannai sigasu Nidwannai (Teausday, Thursday & Saturday) chiuju padra ye.

LCCC gu changee lengniu emergency consultative meeting LNBA-M Sub-Centre Church, Namdilong ga bamkhai mide.



T M E : T a m e i . Kareh. 15: Tadmibo zengtung 14th, Mennai LNBA-M Sub-Centre Church, Namdilong Kalatongbi ga aliu Liangmai gu centenary changee leng kadenbo gu thiujui emergency consultative meeting hai bamkhai mide chiuju tachamga dinne. Haibo maduiga Eastern Liangmai Baptist Association (ELBA) gu khatdi Liangmai Naga Baptist Association Manipur (LNBA-M) gu Executive Secretaries

2024 ga MP (Outer Manipur) gu thiujui Dr. Alyson Abonmai niu di chap sune chiuju dinne.



TME, Tamei: Kareh. 15: Wangkinbo zengtung 19th Karehiu 2023 nai sai Konsaram Baptist Church, ELBA (M) ga Dr. Alyson Abonmai tu thoidam khaibo tienrang hai tadkiu sune chiuju dinne. Pahai wangkinbo 2024 ga Intending candidate for Outer

kania di wangjiu joukhai ye chiuju dinne. Haibo madu hai Rev. Dr. Tanliabou Kalengta khatdi Pastor M. Liangpibou panai niu sessional Chairman khatdi Secretary thiujui tadkiu khai mide. Haibo maduiga wangmai dungniu chamsui sum lukhai mide chiuju dinne. Chamsui dung sira Centenary changee rabo duan ga palam din masan khaibo, niabo ga, Centenary chunchamjiu changee raleng madu mainiu din

contd. in p.2

Parliamentary Constituency, Manipur) gu Member of Parliament (MP) election ga joura leng thoidam khaibo thiujui tadkiu sune. Haibo tienrang ga Manu Willingson Abonmai, Pastor KBC niu Minister thiujui khatdi Simon Chawang niu Compare thiujui tienrang hai tadkiu sune chiuju dinne. Haibo tienrang ga Liangmai pabam tam-tam lam bammai di wangjiu joukhai ra chiuju organizing committee lamgu tacham gasu niu di dinjiu bam mide.

Chandel district Kapaam nam ga n-danai "Lui-Ngai-Ni" hai tadkiu khai mide.



IFB Bureau.

TME, Tamei. Kareh. 15: Manipur State ga lungbambo Naga maigu Changee, "Lui-Ngai-Ni" hai n-danai zengtung 15th Karehiu 2023 nai Kapaam Nam, Chandel district ga wiji tadkiu khai mide chiuju dinne. United Naga Council (UNC) niu organized thiujui tadkiubambo changee hai thaikum gu ladpui thiujui "One Culture, One Destiny" chiubo ladpui hangga su tadkiu khai mide. Haibo changee ga Munhu Awangbou Newmai niu Chief Guest thiukhai ye, Munhu Khashim Vashum niu Guest of Honour khatdi Lapui SS Olish niu Chief Host thiujui tadkiu khai mide sironna makjiu Naga tribe gu MLA tam-tambo dung, CSO leaders chiuju chamai kengjiu wangjiu padam lukhai mide chiuju tacham ga dinne.

Karingting Lunlung



@@@Simakge da! aliu Liangmai Centenary Changee gudi palung lamra kungbam thakge da!

Umm! Christian leader dungdi maitu ra reconciliation ra kamsi paliu kak gara kamsi mak chiu thak chia! Aikhoi sita darai!!!

Din mawibo suangdi tien mawibo sinu wi n-kiu we.

Editorial

MGNREGA haisi government gu chakam kammak maileng thiujui ra malen nang nkha khaibo jengniu chakhuang changee wangbo wanga maksai naamai gu ariak ki ga wangtang lakbo wanga kakeng lam nkha khaibo bambo we. Haisi INC niu government thin bambo wanga su phungpad khai mibo we. Tuhoi BJP gu government niu di PM KISAN hai phungpad lanjiu bamme. Chiudi tuhoi ra haisi tadkiu mawi taji u bambo ga aliu maidiu-maida mai waji u kha chariu khangjiu bamme. Nam-nam gu administration thinbam mai dungdi haikumbo gasu fund kasia-sia lulujiu ministry thinbam bowe. Haikumbo issue haidi CSO mai makum lujiu government tuidi kaphian khaisai di salak sune. Thaikum gu budget gadi MGNREGA gu budget hai crore waji u khai khinjiu bam mibo mathiu siye. Siniu maidiu-maidah sung thiujui changam kambam maidung di mathiu leng malkum lujiu matan khai rabo naliu thou we.

LCCC gu changee lengniu emergency consultative

condt. from p.1 madu padbo, pasumbo sinu, Review on LCCC-M program chiubo lamga chamsui hai lukhai mide chiujiu tacham ga dinne. Khatdi pageng bambo sai suiuiu wangkinbo Karehiu zengtung 21th, 2023 naih Bena Tababang Baptist Church ga kanambo gu thiujui Program Review khatdi Consultative Meeting bam ncham ra chiujiu makhiam thiukhai mide chiujiu tacham ga dinne. Sibonai Liangmai Pastors, CSO Leaders, LNBA (M) Workers, ELBA Workers, Liangmai Senior Citizens Forum, Ex. Leaders khatdi Liangmai rongga kasi kadin kapha mai nkiujiu palung katiumai hina di wangjiu joukhai ra chiujiu Organising Committee lamsu tacham hai pisi khai mide.

Chalad N-buung

Makhiten: Ngoumakbo bamga wabai khai bambo tu "Makhiten" chiujiu dinbam niu we.

Modi di majat jiu Naga gu political issue hai kam masan mira machun bambo we. Nadda.



Kareh. 15: BJP gu national president JP Nadda niu Nagaland gu capital cultural hall, Kohima ga n-danai BJP nai NDPP gu joint campaign ga tacham dinjiu Prime Minister Narendra Modi di pating-pawan thengjiu wang mibo Naga gu political issue hai majatjiu loikhai mira machunjiu bambo we chiujiu dinne. Sironna palamra paliuniu apliugu makjiu Home Minister Amit Shah di mathak makjiu Naga gu issue hai loikiu mira matan bambo we chiujiu dinne.

Democracy Chiubo lam dundao khaa. 1. Bible gu kati khaibo. 2. Kadih maina gu makum. Kadunbo raha kasia 1. Phom (society) chiubo si Tingwang panu suikhai mibo we. Bible ga chamai na khat na rona bambo wimakge...! sinu papam leng chiubo si (more than one); aruangbo suikhai mibo we. Siniu haichiu aruangbo ga pachun (culture) pagu maning-ning tamme chamai pum gasu niu di sise free will culture chiujiu suikhai ye. haisi tu ra Tingwang padi chakhuang thi u we (respect His free will gift toward human kind). Haisi tu rightfully democracy chiujiu luwe. Chiudi haiga n-pui nia bam lanne. 1. Rightfully choose 2. Wrong choice. #. 1. Bible raiga Chawang hang ga lungbam niu we, Chawang ladniu wahina kanambo we (final). Raithubo chawang Sual. #. 2. Secular Indian rahaa ga 1858 till 1947 independent Chandragupta Maurya dynasty king through Pakistan, last monarchy George VI formation 1 May 1876 abolition 22 June 1948 appointed hereditary. #. 3. Tuhoi kengu tadnaa bo khenrang (nowadays democracy culture). 1. Village Chief niu thinbo 2. Authority hang ga bambo 3. Apai gu ladti Customary law gu boundary hang ga lungbo. #. Democracy gu npui nia. 1. Positive: * free religion * free culture * free choices * free discussion * free lifestyle #. Negative democracy. * Respect-less chakhuang habo * Mannerless Tachang sabo * False leader/ teacher kamoubo katipou/ juchingpou * Dis-unity chuncham makbo * Greedy, desire paleng-paleng sibo haidung si wang nge sinu democracy gu kasabo si haiye. BIBLE gu kati khai, 1. God gave us free wills. Tingwang niu khenrang gu makum pikhai ye maikhat natu di majibo khenrang tu bangmi tulo. 2. Maikhat nadi maikhat gu majibo (right) asutbo sui makge. 3. Maikhat natu di kabang kum thinpiu bo sui makge Christa niu khenrang pithiu khai mibo we.

By: SR Luckyson

MP Lorho niu Mao mai zatti tu Nagaland ga pingut sui makge chiu khambam botu khamkhai khera Centre tu khengkhai mide.



Kareh. 15: Manipur Outer MP Dr. Lorho Pfoze niu Centre khuga khengkhai mibo ra Mao mai gu tribe haitu tuhoi Nagaland gu state ga pi ngut lakge chiujiu khamjiu bambo si chakak ga dinkhai ra chiujiu khengkhai mide. Tadmibo takum ga Southern Angami mainiu Manipur gu kadih Mao mai ram hai asut ngutbo gasu chakhon-chara padjiu namrai masan makjiu bambo jengniu n-dasai kum Chakehiu zengtung 15th gasu Nagaland kadihga Mao mai zat tu pijiu ngut khai lakge chiujiu khamjiu bam mibo we chiujiu MP Lorho niu haibo issue hai Parliament ga phung khai bowe chiujiu dinne.

Mathen Cham



Club World Cup 2023 hai Saudi Arabia ga khai raye chiujiu FIFA niu dinpad mide. Thaikum Chakehiu 12th gasu 22th tangbo khairabo six continental champion plus host national champion chiujiu mathen kiu rabo tournament hai FIFA council niu wacham-waladlui hajiu suikiu khai mide chiujiu dinne. Saudi Arabia ga 2027 kumdi Asian Football Confederation niu di Asia Cup khaira chiujiu haibo hui kahoubo lam suikhai mibo we. FIFA council meeting chapkhai mibo kumsai wanglanbo 2025 kum sai Club World Cup di team hai 32 mira ye chiujiu dinne.